

lxi

(...)

Reconnoissance faicte [par] guill(aum)e
serin a jehanne cappolade sa femme
en faveur de catherine riviere et pierre
vaquiers

Ce() jourd() huy **treziesme** du moys de **febvrier**
l() **an mil vclxxxviiiij** au() lieu de **longuenause**
en la [par]joisse de **manhanac** avant midy et dans
la maison de salvy et jehan cappolade freres
en presances de moy not(air)e royal soubzsigne et

des tesmoings bas nommes estably en personne
guillaume serin dud(it) manhanac lequel de son
bon gre et bonne volonte [con]fesse avoir eu et
receu de **jehanne cappolade sa femme** illec presante
stipulante et aceptante la somme de cinquante
escux de solz en francs de vingt solz piece testons
realles realz et autre monoye bien comtee et
nombree et par led(it) serin receue illec reallement
en ma presance et des tesmoings bas nommes
tellement qu() il s() en est tenu pour contant et bien
paye (ce mot barré) et laquelle somme lad(ite) cappolade
sad(ite) femme a receue ce() jo(u)rd() huy ung peu
auparavant la reten(ti)on de cest instrument de
reconnoissance de honnete femme **catherine**
riviere femme de m(aîtr)e jehan vacquier not(air)e r(o)yal
de montclar et par **pierre rocques** dud(it) lieu [par]
les mains dud(it) vacquier not(air)e en laquelle somme
de cinquante escuz solz iceulx riviere et rocques
estoient tenez a() **lad(ite) cappolade** au nom et [co]mmme
filhe et heretiere de feue anthonnete
rocques pour reste de cent escuz solz pour les
causes [con]tenues en l() instrument d() accord et *valleur*
de certains biens venduz [par] lad(ite) anthoinete rocques
ausd(its) riviere et pierre rocques retenu
[par] moy not(air)e royal soubz signe le dix huictiesme
jour du moys d avril l() an mil cinq cens quatre
vingtz et deux au moyen duquel lad(ite) cappolade
a faicte l() aquita(ti)on d() icelle somme de cinquante
escuz ce jourd huy retenu [par] moy dict not(air)e soubz(sig)ne
plus a [con]fesse led(it) serin avoir eu et receu de
lad(ite) jehanne cappolade sad(ite) femme la somme

lxii

de huict escuz de solz qu() est pour sa cotte [par]t et
moytie des deniers que furent tenez a lad(ite) **anthoinete**
rocques sa() belle mere le jour de son decez qu() il receust
ayant **jehan cappolade son beau frere** et en divise
les deniers montant sad(ite) part a lad(ite) cappolade

led(its) huict escux solz / plus a [con]fesse led(it)
serin avoir eu et receu de lad(ite) cappolade sad(ite)
jehanne y cappolade sad(ite) femme stipullante [co]mme
lesd(its) la somme de quatorze escux de sol
et dix solz t(ournoi)z qu()est [pro]venue de la moytie
troys esmines de terre que lad(ite) anthoniete
rocques sad(ite) belle mere auroit acquises
pour la somme de vingtz huict escux sol ung
tiers scavoir de jehan et anthoine *olies (alies?)*
freres del terme et de ung nomme cambarret
desquelles terres et possess(ion) lad(ite) jehanne
cappolade sa femme en a faict cession et
transport cy apres retenu [par] moy dict
not(air)e aud(it) jehan cappolade sond(it) frere
de quatorze escux sol dix solz / toutes
lesquelles sommes montans a la somme de
de soixante douze escux de solz dix
solz t(ournoi)z led(it) guillaume serin a recognues
mises et assignes sur tous et ch(ac)uns
ses biens meubles et immeubles a lad(ite) cappolade
sad(ite) femme pour luy estre rendu et restitue
advenant cas de restitu(ti)on ou aux siens

et pour ce faire icelluy serin a obliges et
ypotheques tous et ch(ac)uns ses biens meubles
et immeubles presans et advenir qu()ila soumis aux
forces et rigueurs de toutes courtz et siege royaux
mage de la seneschaucee ville viguerie de th(o)l(os)e
et alby court ordinaire de villemur et autres
de ce royaulme si a renonce etc ains l()a
[pro]mys etc jure moyen(ant) serment de quoy lad(ite)
cappolade a requis inst(rument) en presances de
salvy et jehan cappolades freres arnauld
cappolade jehan themynes barthelemy despratz
habit(an)s dud(it) manhanac guillaume riviere de
montgailhard et de moy jehan richard not(air)e
royal dud(it) villemur requis soubz(sig)ne avec led(it)
guilla(ume) riviere les autres ne scavent signer

G. Riviere Richard not(air)e r(o)yal